



Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Cap. VIII. De Liturgiis Apostolorum. Exploditur à Lindano edita sub nomine Petri. Dubiae fidei eas esse, quae Matthaeo & Marco tribuuntur. Astruitur Liturgia Jacobi. Cujus aevi censeuntur ...

urn:nbn:de:hbz:466:1-10805

erat, mansitque multō tempore integrum absque
ulla mutatione. Quae fuerit utriusque differentia
incertum est, nisi quod ex ipso Radulfo & ex
aliis Officiorum expositoribus liquet, discrimen
potius in Horis canonicas, quam in Missa fuisset:
idque libri Missarum M. SS. evincent, qui cum
libro Sacramentorum, & Antiphonario S. Gre-
gorii in forma & serie Missæ uniformiter conve-
niunt. Docet autem Radulfus in præcitatō libro
proposit. 22. operā Fratrum Minorum utrumque
officium Curiae & Ecclesiæ in unum coaluisse,
ita ut prolixiori & proprio abrogato, omnes po-
ste Ecclesiæ officio Curiae usæ sint. Quomodo
vero id acciderit, ipse enarrat his verbis: *Fodie
omnium credulitas & opinio divulgatim, quod illæ
Ecclesiæ servent Ordinem S. Romanae Ecclesiæ, nisi
Fratres Minores: nec in aliquorum, nisi in ipsorum
Breviaris & libris contineantur, ex eo quia B. Fran-
cis in Regula præcipit, ut clerici faciant divinum
officium secundum dictum Ordinem, ubi BreviaRIA ha-
bere possunt. Hejus autem rei Romæ contrariantur di-
ci veritatem. Nam olim quando Romani Pontifices a-
pud Lateranum residabant, in corum Capella servabat-
tur divinum Officium non ita completere, sicut in
alitis Urbis Ecclesiis collegiatis. Imò Clerici Capel-
lares, sive de mandato Papæ, sive ex se officium Ro-
manum semper breviabant, & sepe alterabant, prout
Domino Papæ & Cardinalibus congruebat observan-
dum. Et hujus officii Ordinarium vidi Romæ à tem-
pore Innocentii III. recollectum, & istud officium
breviatum sicuti sunt Tractates Minores. Inde est quod
Breviaria eorum, & libros officii initularunt secun-
dam confuetudinem Romanæ Curiae: non autem cu-
raverunt mores aliarum ecclesiistarum urbis Romæ re-
cipere & observare. Alię autem nationes Orbis Ro-
mani libros & officia sua habent & directo ab ipsis Ec-
clesiis Romanis, & non à Capella Papæ, sicut ex li-
bris & tractatibus Amalarii, Valsridi, Micrologi,
Gemmae, & ceterorum de Officio divino scribentium
colliguntur evidenter. Et multis interpositis, quibus
ostendit officium Fratrum Minorum nullo modo
posse dici Romanum, quod ab ipsis immutatum &
confusum fuit, subdit: *Sciendum tamen,
quod Nicolaus Papa III. natione Romanus de gente
Ursinorū, qui cœpit anno Domini M. CC. LXXVII.
& palatium apud S. Petrum construxit, fecit in
Ecclesiis Urbis amoveri Antiphonarios, Gradualia,
Missalia, & alios libros officii antiquos quinquaginta,
& mandavit ut de cetero Ecclesiæ Urbis ute-
rentur libris & Breviariis Fratrum Minorum, unde
bodie in Roma omnes libri sunt novi & Franciscani.* Hæc Radulfus, qui omnia quæ specta-*

ad Romanos ritus diligentissimè investigavit eorumque vindex acerrimus fuit.

C A P U T V I I I .

*De Liturgiis Apostolorum. Exploditur à
Lindano edita sub nomine Perri. Dubia
fidei eas esse, que Mattheo & Marco tri-
buuntur. Astruitur Liturgia Iacobi. Cu-
jus evi censcantur Constitutiones Aposto-
lica, & in eis descripta Clementis Missa.
De Liturgia à Diothyso tradita. Ancep-
de eo iudicium.*

I. **E**cclæsias ab Apostolis institutas formam aliquam & ritum offerendi Sacrificium ab iisdem accepisse, nemo opinor inficias ierit, cui nota sit sacrificii cum religione inseparabilis & intrinseca connexio. An vero Liturgiæ, que nomine quorundam Apostolorum inscripte circumferuntur, legitimæ sint, disquirendum nunc est. Et primo quidem occurrit illa, quam Petri Apostolorum Principis inscriptione insignitam circa finem superioris facili græce, & latine edidit ex Codice M. SS. Cardinalis Sirleti, & notis illustravit vir doctus Guilelmus Lindanus, addiditque pro ea Apologeticon multa eruditio refertum. Sed qui ipsum accurate perlegerit, mecum fatebitur, nihil aliud ex eo concludi, nisi quod Petrus seu voce seu scripto, Ecclesiæ primum Antiochenæ, deinde Romana Liturgiam aliquam tradiderit. Quod vero ista, quam Sirletum in Apulia reperiisse ait, ea ipsa sit, nec ille probat, nec ullus crederet, qui noverit verum à falso, & proprium ab alieno discernere. Si enim hæc Missa verè est Principis Apostolorum, quomodo Romana Ecclesia, qua ejus lipsana & epistolas inter tot persecutionum procellas usque in præsentem diem sollicitè conservavit, hanc egregiam sacrificandi formulam neglexit? Cur nullum ejus vestigium extitit per mille quingentos & amplius annos apud Orthodoxos scriptores? Ubi tanto tempore delituit, & unde emersit? Nempe in Apulia, quæ olim magna Græcia, reperta est, pulcherrima caligraphia descripta, ut Lindanus ait capite 9. *Apologia*, ut impressum non pauci spectatores judicarint. At ex hoc liquet, si tūdix exemplar recentiori manu scriptum fuisse, & fortassis idem qui scripsit, composuit, cum nulla præsertim flat mentio antiqui codicis ex quo

Y y *descri*

descriptum sit. Detegit quoque imposturam Canon Romanus, prout hodie in usu est, eidem insertus, quem à quodam Scholastico compositum, ut ait Gregorius Magnus *ib. 7. ep. 64.* & ab aliquot Pontificibus auctum iuo loco demonstrabimus. Sunt in ea quædam orationes ex libro Sacramentorum Gregorii, estque confarciata ex Missa latina, & ex Liturgia Jacobi, Basili & Chrysostomi. Quibus ritè perpernis, ea mihi suspicio in mentem venit, præterito sæculo scriptam uisse ab aliquo Sacerdote Italo-greco, vel exercitiū gratia, vel ut Græcam Liturgiam, de cuius minima prolixitate sæpè Romæ conquæti sunt, ad hanc breviorem formam redigeret. Nomen autem Petri ei prefixit, vel quia Canon Romanæ Ecclesiæ, cuius Petrus fundator fuit, præcipua ejus pars est: vel ut ei auctoritatem tanti nominis interpositione conciliaret. Narrat Lindanus brevissimam Petri Liturgiam apud Franciscum Turrianum extitisse, sed ea nusquam comparuit.

II. Extant etiam Matthei & Marci Evangelistarum nominibus Liturgiae, quas cum plerisque inter dubia fidei scripta recenseo. Illa Æthiopum, hæc Alexandrinorum dicitur esse: Mattheum enim fidem in Æthiopia prædicasse asserit Romanum Martyrologium; Marcus vero Alexandrinæ Ecclesiæ primus Antistes fuit. Et illa quidem unde primum prodierit, nefcio: hæc Sirleti manu obstetricante edicta est in lucem ex vetusto Codice Monasterii Rosfanensis in Calabria Ordinis Sancti Basillii, ex quo idem Sirletus eam describi curavit, misitque Parisios Joanni à S. Andrea eius Ecclesiæ Canonicio, atque ibidem græcè & latine edita fuit. De illa altissimum ubique silentium est: hanc commemorat & veluti Pseudepigrapham rejicit saeculi XII. Scriptor Theodorus Balasson *Resp. 1. ad Marcum Patriarcham, & ad Can. 32. Concilii Trullani.* Nicolaus Methonenfis in *libello ad eos qui hesitant ait, Marcum Liturgiam Ecclesiæ Alexandrinae tradidisse,* quod & alii asserunt, & nos ultrò fatemur: an vero ista, que ad nos pervenit, ipsa sit, quam Marcus scripsit, res in ambiguo est, deficiensibus per multa facula veterum Patrum attestacionibus.

III. His ergo rejectis, vel in quæstione relictis, de Liturgia Jacobi fratris Domini Hierosolymorum Episcopi omnium celeberrima paulo fuisus differendum est. Scriptis de illa eruditissimam epistolam ad Bartoldum Nilusum Leo Allatius in ejus Symmictis editam p. 176.

qua eam ab hereticorum oppositionibus vindicat, & prolatis Antiquorum testimoniorum genuinum Jacobi factum esse demonstrat. Magni autem ponderis ad ejus veritatem stabilendam in primis est perpetua Ecclesiæ Græcæ traditio, quæ illam semper ut legitimā agnovit. Contentiunt Græcis Syri, qui teste Abrah. Echellensi in notis ad Hebediesu de Scriptoribus Chaldaicis p. 135. asserunt S. Jacobum primum omnium Liturgiam scripsisse, & ad ejus normam cæteras institutas fuisse: idque confirmat Abraham Joannis Maronis, qui intra sextum & septimum vebat sæculum, aliorumque antiquorum testimonio, qui in ejus Liturgie Commentariis affirmant hanc traditionem ad ipsos per manus deducitam à tempore Apostolorum. Accedunt traditioni ejusdem exemplaria in vetustissimis Codicibus exarata, & ex ea veterum Patrum excerpta apud Allatium auctoritates ad Catholicæ fidei dogmata comprobanda. Synodus Trullana c. 32. ejus testimonio utitur, ut refellat eorum, qui solam aquam in Sacrificio offerebant. Manuel Malaxus in *Nomocanone c. 220.* eam in usu fuisse ait usque ad tempora Basillii Magni: ejusque meminit Proclus in *Tract. de traditione Divinæ Liturgie,* & Cyrillus Hierosolymitanus multa ex ea transtulit in quintam Catechesim mytagogicam. Varias adhibent machinas ad eam abrogandam Sectarii, sed omnem ipsorum conatum irrritum esse facile ostendam. Ajunt reperiiri in ea vocem *Homousion* ante Concilium Nicænum ignotam: vocem quoque *Theotocos* in Concilio Ephesino repertam. Atqui id temerè & falso ab illis dicitur. Nam Athanasius in *libro de Decretis Concilii Nicæni* auctores profert, qui nomine *Homousion* ante ipsum Concilium usi sunt. Theodoretus item l. 1. *bijt. Eccl. c. 13.* eam vocem non esse novam ait, neque à Patribus Nicææ congregatis inventam, sed à majoribus receptam. Et ut alios fileam, ipsemēt Eusebius Caſariensis Arianae factionis propugnator hoc idem asserit apud Theodoretum ibidem, & apud Socratem l. 1. c. 5. Simili modo ante Conc. Epheſinum B. Virginē *Theotocos*, id est, Dei Genitricem nuncupatam Evagrii testimonio evincitur, qui l. 1. *bijt. c. 2.* Nestorium reprehendit, quod hanc vocem à multis spectatisq; Patribus usurpatam rejecerit: cui contentit Theodoretus l. 4. *heret. fabul. c. 12.* dicens, antiquissimos fidei Orthodoxæ Prædicatores juxta traditionem Apostolicam Matrem Domini *Deiparam* nominasse & credidisse. Ajunt insuper *Trisagion* & *Doxologiam* recentioris ævi esse, atque inde concludant

Ajunt perperam tribui Jacobo hanc Liturgiam, in qua ista reperiuntur, sed nugas agunt, nam *Hymnus ter Sanctus Isaiae* cap. 6. legitur; & Glorificatio Sanctissimæ Trinitatis ab Apostolis emanavit, qui cum credentes baptizarent in nomine Patris, & Filii, & Spiritus Sancti, eos docuerunt, Patri & Filio & Spiritui Sancto solemnem *Doxologiam* decantare. Ajunt denique alia quædam in ea esse, quæ recentiorum sunt. Hoc probandum ipsis erat; ajunt enim illi, nos negamus. Sed ultro concedamus, nonnulla addita à recentioribus, ut in similibus fieri solet, an idcirco abicienda omnia velut spuria, illa etiam, quæ genuina sunt? An ideo Pentateuchum Moysi tribendum non erit, quia in fine Deuternomii ipsius mors & sepultura ab alio scriptore addita est? Non est hominis fani sic argumentari. Nihil igitur officiunt Jacobi Liturgiae Novatorum objections. Eam ipsis temere explodunt, nos veterum testimonio nixi amplectimur & approbamus.

IV. Duodecim Apostolorum nomine duas extare Liturgias apud Orientales scribit Abraham Ecchellenis in notis præcitat. Liturgiæ quoque S. Barnabæ meminit Alexander Monachus in ejus vita apud Metaphrastem. Haec autem periisse creditur, illas non vidi. Recenseri item potest inter Apostolicas sancti Clementis Romani Liturgiæ in Libro Constitutionum descripta & ab Apostolis accepta, ut ille ait, à qua paucis me expediam. Testimonium de illa perhibet Proclus initio tract. de traditione Missæ, afferens B. Clementem Apostolis dictantibus eam edidisse: cuius sententia adhærent Baronius anno 102. num. 23. Bellarminus lib. de Script. Ecclesiastice, & alii, qui eam legitimam esse putant, sed auctam à successoribus. Sicut enim formulam Symboli ab Apostolis traditam Patres deinde auixerunt, ut fidei mysteria clarius exprimerent, ita Liturgiæ ab illis prout cerebant tempora contextæ, ab aliis postea amplificate fuerunt. Alii tamen non infimi sub selli scriptores, qui negant Clementem Apostolicarum Constitutionum auctorem esse, ab eo consequentur Missam abjudicant, quæ pars illarum notabilis est. Photius Cod. 112. tria capita ipsis Constitutionibus opponi ait, sed quæ facile dilui possint. Epiphanius heresi 70. nam. 10. citat librum Constitutionum Apostolicarum, tum ait, *Qui Liber tamet si dubie apud nonnullos fidei sit, non est tamen improbandus; Nam in eo quæ ad Ecclesiæ disciplinam attinent omnia comprehenduntur;* neque

quidquam aut in fide ac Catholicæ professione depravatum, aut Ecclesiæ administrationi ac decretis contrarium continent. Sed has Constitutiones, quas Epiphanius citat, diversas videri ab his quæ octo libris comprehensæ circumferuntur, observat Petavius in suis *Annotacionibus*: quædam enim illarum sententia ab Epiphanius citatae in vulgatis non extant. At hæc Petavii conjectura est, quæ non obstante haud improbable existimo, easdem esse, sed interpolatas & aliquibus in locis vel librariorum incuria, vel hæreticorum fraude deprayatas. Quidam putant, ad eas alludere Dionysium Alexandrinum in epistola, quam refert Eusebius lib. 7. cap. 7. in qua nihil prorsus deprehendo, quod ad Clementem referri possit. Quicquid autem sit de Auctore harum Constitutionum, certum apud omnes & exploratum nunc est, quod si ab Apostolis immediatè dictatae non fuerant, Concilio tamen Nicæno antiquiores sunt, & in his continetur disciplina Ecclesiastica, qua Orientalis Ecclesia sub Ethniciis Imperatoribus ante Magnum Constantinum regebatur, ut vir eruditissimus Joannes Morinus docet Parte 2. de sacris Ordinat. pag. 20. Cui adstipulatur Joannes Fronto in prænotatis ad Kalendarium Romanum §. 5. Petrus item de Marca lib. 3. Concordia cap. 2. eius libri Auctorem saltem seculo tertio floruisse ait, idque omnibus hodie persuasum esse. Est igitur Missa Clementis antiquissima, ejusque testimonio saepius utar, si non præcisè ut ab Apostolis editæ, & à successoribus auctæ, quod valde probabile est; saltem ut à Patribus secundi vel tertii saeculi usurpatae.

V. Illam denique Apostolicam Liturgiam plerique existimant, quam Dionysius magnifico stylo describit c. 3. Eccles. Hierarchie. Si enim iste Areopagita fuit, Athenarum Episcopus, & S. Pauli discipulus, Sacrificii ritum & ceremonias ipsum ab eo accepisse, à quo fide imbutus fuerat, rationi consentaneum videtur. At insurgunt multi ex adverso, & multa objiciunt, quibus probare conantur, non esse Dionysii Areopagitæ opera, quæ illi tribuuntur, sed alterius recentioris. Ajunt ipsum nunquam se Areopagitam aut Episcopum nominare, cum tamen non defuerint illi occasiones hos sibi titulos tribuendi. Cap. 7. Eccl. Hier. Milleniorum hæresim confutat, quæ circa annum Christi 120. exorta est. Cap. 6. eiusdem libri Monachorum solemnem consecrationem refert, afferens eos multò antiquiores suisse, quam ipse fuerit. Hinc

Sancti
Yz

Sancti, inquit, *Præceptores nostri divinis eos appellationibus sunt prosecuti*. De his tamen apud scrip-
tores primi & secundi saeculi nulla distincta
mentio reperitur, sed de solis Deo dicatis Vir-
ginibus: neque si fuerunt tunc Monachi, cre-
dibile videtur, illius saeculi persecutionibus &
aliis circumstantiis attentis, eos tot ceremoniis
fuisse ab Episcopis Deo dicatos. cap. 7. cœl. Hie-
rarch. & cap. 1. de Div. nominibus Deum *Tribus*
hypostaton vocat, suntque illi tres personæ *Tres*
hypostases, eaque voce utitur tanquam suo tem-
pore usitata; cum tamen constet, hoc nomine
Græcos primum usos post concilium Alexand.
a. 362. celebratum, repugnantibus Latinis, ut ex
Hieronymo constat, qui epist. 57. cap. ultimo Ec-
cles. Hierarch. de infantium baptismo, ejusque
circumstantiis agens, quas Ethnici irridebant,
se id scribere ait, quod divini Pontifices ab anti-
qua traditione edociti usque ad ipsum produxe-
runt. Qui sunt autem hi Pontifices, quæ antiqua
traditio, si hic fuit Areopagita Pauli discipulus?
Plura de his Morinus lib. de sacer. ordinat. Præf.
in ritus Ordinationum traditos à Dionysio. Omitto
magis vulgatas objectiones, ut, quod de illo si-
luerint antiqui Patres, Eusebius præsertim &
Hieronymus: quod à saeculo Apostolorum sty-
lus abhorreat, grandiloquus, inusitatus, ac in re-
bus etiam facilibus dithyrambos supergrediens,
quod ea scripta hominis videantur, qui in otio &
pace senuerit: quod nullum in illis vestigium ap-
pareat persecutionum & calamitatum, quibus
primi saeculi ecclesia vexabatur: quod sacrorum
rituum pompa & apparatus, templorumque ma-
jestas, & magnificientia, sicut ab eo describuntur,
nafcenti Ecclesiæ & Sacerdotibus, senvientum
tyrannorum metu, secretò celebrantibus non
conveniant: & alia ejusdem generis, quæ apud
alios legi possunt. His vero oppositionibus, qui
hæc opera Areopagite vindicant, acerrimis &
prolixis dissertationibus respondent; sed quam
plenè, & quam solide, viderint doctiores: neque
enim tanti me facio, ut quæstionem inter viros
doctos diu agitatam, & perplexis hinc inde dif-
ficultatibus intricatam dirimere, vel componere
aufsim. Mota hæc lis erat ante annos octingentos-
vivente Photio, qui cod. 1. suæ Bibliothecæ
Theodori Presbyteri librum de hac controver-
sia à se lectum refert: sed non exprimit tempus
quo ille scripsit. Per me igitur cuique licebit,
cui maluerit parti adhærere, nam qui Apostoli-
co saeculo vixisse contendunt, proposito nostro
magis favent; qui posterioris ævi vixisse volunt,

fateri tamen debent circa finem quarti saeculi
vixisse, ante annos scilicet mille trecentos, quod
ad conciliandam Dionysii scriptis veneracionem
& auctoritatem satis est. Unus fortassis fuit ex
professoribus Platonice Philosophiae, qui in
Ichola Alexandrina, circa finem quarti saeculi
vel initio quinti, sapientiae laude floruerunt,
Christi vero fidem amplexus, doctrinam qua
prius imbutus fuerat retinuit: nulla enim eius
pagina legi potest, in qua non appareant phrasæ,
axiomata, & idiotismi Platonicorum. Jacobus
Billius *Sacrarum observationum lib. 1. cap. 23.* o-
ftendit, apud Gregorium Nazianzenum quedam
reperiit mutuata a Dionysio, sed vereor ne ex
præjudicata opinione id, quod sibi probandum
erat, tanquam certum posuerit, Dionysium sci-
licet, ut potè Pauli discipulum, Nazianzenum
præcessisse; dicent enim qui contraria sunt senti-
tentiae, Dionysium potius ea à Gregorio accep-
isse. Sermo quoque extat inter opera Joan.
Chrysostomi de Pseudoprophetis & falsis Do-
ctoribus editus à Gerardo Voflio, in quo hæc
verba leguntur, *Ubi Dionysius Areopagita volu-
cris Cali?* Sed plerique vivi docti hunc sermo-
nen Pseudepigraphum putant. His ergo omi-
nis tanquam incertis, id breviter referam, quod
indubitate & ab omnibus concessum est; primam
scilicet mentionem Dionysii Areopagitæ
ejusque operum, quæ ad nostram notitiam per-
venerit, factam vixisse in collatione habita Con-
stantinopoli in Palatio Justiniani Imperatoris a.
532. inter catholicos & Severianos, five Ace-
phalos, in collatione secundæ diei: siquidem in
eo congressu ab hereticis citata, & ab Orthodo-
xis tanquam spuria repudiata fuerit. Sed cum
postea matura confideratione agnoscissent eo-
rum librorum in fide soliditatem, & admirabilem
doctrinam, eos amplexi sunt, & tributum
Areopagitæ nomen auctori permanxit. Primi
inter Græcos, qui Dionysium Areopagitum cum
laude citarunt, fuere Leontius lib. de Sectis Ad. 3.
& lib. 2. contra Nestorium & Eutichetum: & An-
astasius Sinaita lib. 7. *Anagogie, contempl. in Hexa-
meron* qui ambo Justiniano imperante vivebant.
Inter Latinos primus fuit Gregor. Magnus hom.
34. quem plures deinde sequuti sunt. Lis autem
de Auctore tunc nulla erat, postea à Criticis
septimi vel octavi saeculi excitata fuit, quorum
argumentis respondit Theodorus relatus à Pho-
tio cod. 1. Atq; utinam aut ille extaret, aut epitome
men responsionum ejus Photius excerptissit, for-
san enim solidas Dionysii vindicias haberemus.

CA-